

რ ე ვ ა ზ

ე პ ა ბ ა ლ ა ბ

საქართველოს მთავრობის

ოფიციალური
ცოდნა

თანამედროვე ქართული ლიტერატურის კლასიკოსის, რუსთავე-
ლის პრემიის ლაურეატის, რევაზ მიშველაძის შემოქმედება კარგა-
ხანია მსოფლიო ლიტერატურის ორგანულ ნაწილად იქცა.

„საქართველოს მაცნე“ გამოსცემს პროზის დიდოსტატის რევაზ
მიშველაძის რჩეულ თხზულებათა ოცდახუთტომეტულს.

მკითხველი ამ ტომების წაკითხვისას ადვილად დარწმუნდება, რომ
მწერლის უანრულად უალრესად მდიდარ ნაწერებში ჩანს არა მარტო
საქართველოს პრობლემები, არამედ ქართული სარკმლიდან დანა-
ხული მსოფლიოც.

2013



დ რ ა მ ა ც ე რ ვ ი ს

ცოდნა

X VI



გამოცემის „საქართველოს მაცნე“

დ ა ნ ი ე ლ – გადმოსვენება მინდოდა, მარა, ჩვენ სჯულში
არ არი მკვდრის გადმოსვენება.

ს ა ბ ა – კიდეც რომ იყოს, არ გირჩევდი, ჩემო დანიელ. რავა
შეიძლება, მკვდრის შეწუხება, მამაშენის ძვლები თა-
ვის ადგილზეა. იმ მიწაშია, სადაც დაიბადა.

დ ა ნ ი ე ლ – მართალი ხარ, ჩვენ ერთი სამშობლო გვაქ.
ქართველი ებრაელობა და ებრაელი ქართველობა,
ორივე ერთია. თქვენ ჩვენი სასაფალოები შეგვი-
ნახეთ და ჩვენ აქანა ყველაზე დიდი ქართველის –
რუსთაველის საფლავს შეგინახავთ.

(მოისმის უძველესი ქართული სიმღერა „შენ ხარ ვენახი“, რო-
მელიც თანდათან ძლიერდება. ორივენი მღერიან. ხმა ნელ-ნელა
სუსტდება. და სპექტაკლი მთავრდება ისე, როგორც დაიწყო.
მკრთალად განათებულ სცენაზე შემოდის საბა. იგი სცენის სხ-
ვადასხვა კუთხეში ჩერდება და ნაცნობ ებრაელებს უხმობს).

- მოშე! (დაღონებული) – არ არის.
- ისინკა! (დაღონებული) – არ არის.
- საბა! (დაღონებული) – არ არის.
- გერშონ! (დაღონებული) – არ არის.
- დანიელ!

დ ა ნ ი ე ლ (კულისებიდან) – აქა ვარ, დაგენაცვლე!

(ძველი მეგობრები ერთმანეთს ეხვევიან. მოისმის სიმღერა –
„დანიელა შეშა! დანიელა წყალი...“ ამ სიმღერაზე ორივენი ცეკ-
ვავენ ძველ ებრაულ ცეკვას).

ფარდა

ტერენტი ბრანილი

სცენარი პანტომიმის თეატრისათვის

პირველი სურათი

სცენა ჩაბნელებულია.

ისმის სევდიანი მუსიკა.

სცენის შუაში, შემაღლებულზე მდგომი ტერენტის სახეს, თითქოს ნეგატივი მჯღავნდებაო, ნელ-ნელა ემატება სინა-
თლე.

მის წინ მიმოზებივით თავდახრილი ქალიშვილები დგანან.

სინათლეში ნელ-ნელა ჩნდება, რომ გოგონებს ხელში წი-
თელი მიხაკები უფირავთ.

ეს მიხაკები პოეტ ტერენტი გრანელს ეკუთვნის.

იგი საშუალოზე მაღალია. ბეჭებში მოხრილი. გრძელი
ყავისფერი პალტო აცვია. თეთრი შარვალი. პალტო შიშვ-
ელ მხრებზე მოუსხამს, ყელთან მოლურჯო გრძელი კაშნე
შემოუხვევია. თმაწვეროსანია, ასე 22-23 წლის.

იგი, თითქოსდა, ლექსებს კითხულობს და ქაღალდს იატ-
აკზე ყრის.

მის ირგვლივ ქალიშვილები მოძრაობენ, იატაკზე დაცვე-
ნილ ლექსებს ჰკრებენ და ზოგი გულში იხუტებს, ზოგი
ფრთხილად ინახავს უბეში.

პოეტი ავანსცენისკენ მოიწევს ქრისტესავით ხელებგაშლი-
ლი.

მისი ხელები იქეთ-აქეთ ქალიშვილებს უფირავთ. მათ შო-
რის მარო მაყაშვილიცაა.

პოეტის გრძნეულ ხელებს, როგორც დირიჟორის მოძრაო-
ბას, ისე დაჰყვებიან ქალიშვილები.

იგრძნობა, რომ პოეტი უყვართ.

ფარვანასავით დასტრიალებენ.

1921 წელია. საქართველო დამოუკიდებელია.

უეცრად პოეტისა და ქალიშვილების იდილიურ ურთიერ-
თობას დელგმა, გრგვინვა-გრიალი, ჭექა-ქუხილი (სროლის
სმაში გადასული) არღვევს. ქალიშვილები გარბი-გამორბიან.

სცენაზე ოციანი წლების ტანსაცმლიანი ქალები, კაცები
მიდიან-მოდიან ზოგი ქოლგით, ზოგი ხელჯოხით.

გარბიან...

უბედურების მომასწავებელი მუსიკა ისმის.

მეორე სურათი

დელგმა... სროლა... კბილთა ღრჭიალი...

სიბნელეში წითელი და შავი ფერები ერთმანეთში ირევა.

იგრძნობა, რომ უცხო ძალა შემოიჭრა. საშინელება ხდება.

ეს იუნკრები იბრძვიან კოჯორთან საქართველოს თავისუ-
ფლებისათვის. მრისხანე ხმაური ნელ-ნელა სუსტდება.

ნელ-ნელა, რიგ-რიგობით ეცემიან იუნკერები სცენაზე.

ცისფრად ნათდება.

თეთრ-წითელში (სისხლიანი თოვლი) ქართველი თავდადე-
ბული იუნკრები ჩანან დაღუპულები.

შემოდის 18 წლის მარო მაყაშვილი. მხარზე ჩანთაგადა-
კიდებული, მშვენიერი გოგონა.

მკვდრებსა და დაჭრილებს შორის დადის იგი.

შეძრწუნებული, თავგანწირული მარო მაყაშვილი – მე-
ბრძოლთა უსათნოესი და... ზოგს ჭრილობას უხვევს, ზოგს
მკერდზე ადებს თავს. ზოგის მარჯვენას მაღლა წევს და სა-
სოწარკვეთილი ძირს უშვებს.

დაფართატებს თეთრი გედივით მკვდრებსა და დაჭრილებს
შორის და...

უეცრად სროლა გაისმა.

მტრის ტყვიამ განგმირა მარო მაყაშვილი.

იგი თავის მებრძოლ იუნკერ ძმებს გვერდით მიუწვდინა.

სამგლოვიარო ზარი.

ქარი ანგრევს ყველაფერს.

აფრიალებს იუნკერთა დროშებს და მოსასხამებს, მარო
მაყაშვილის კულულებს.

და სცენის სიღრმიდან შემოდის ტერენტი გრანელი.

ჯერ გაოცება; მერე შეძრნუნება იხატება მის სახეზე.

აი, რა უყვეს ჯალათებმა დამოუკიდებელ საქართველოს.
მოდის, ხელებს ვერხვის ტოტებივით აცახცახებს.

ხან სახეზე იფარებს, ხან ყელთან მიაქვს და უეცრად საყ-
ელო გაიგლიჯა, პალტო თითქოს მკერდზე გადაიხია.

მარო მაყაშვილს ჰკიდა თვალი.

დაიჩოქა. რაღაცას ბუტუბტებს.

კულული გაუსწორა მკვდარს.

უბიდან ის მიხაკი ამოილო, რომელიც გუშინ სხვა ქალიშ-
ვილებთან ერთად მარომაც უსახსოვრა.

გულზე დაადო მიხაკი საქართველოსთვის ზვარაკად
შეწირულ თეთრ გედს – მარო მაყაშვილს.

მერე ხელში ნაზად აიყვანა.

შემობრუნდა და...

მრისხანე ნაბიჯების ხმა.

მისკენ მოემართებიან კონუსისქუდიანი, წითელვარსკუვ-
ლავიანი ჯალათები.

შუაში ჩაიყენეს.

ტერენტი მარო მაყაშვილის გაცივებული სხეულით ხელში,
დააპატიმრეს.

მესამე სურათი

სასაფლაო.

შავი საფლავები. ზოგან ჯვარი, ზოგან უბრალოდ საფლა-
ვის ბორცვი.

უკან ცისფრად განათებული სივრცე.

ტერენტი გრანელი სასაფლაოზე დაეხეტება.

სასაფლაო მისი სახლია.

აქ ათენებს და აღამებს.

იგი შეშლილია. წვერგაბურძგნული, უფრო გამხდარი და
გაუბედურებული.

სასაფლაოზე ხან ტკივილიანი გარინდება.

ხან ქვითინისმაგვარი მუსიკა.

უიმედობა, სიკვდილი გამეფებულა ირგვლივ.

ტერენტი ხან ერთ საფლავთან ჩამოჯდება, ხან – მეორეს-
თან.

თვალზე ცრემლი უბრნყინავს.

ტანსაცმელი თითქმის შემოსძარცვია.

ჯიბიდან ბოთლს იღებს. ისხამს არაყს. ცოტას მოსვამს და
ჭიქას ბოთლიანად საფლავზე ტოვებს.

ძეწნის ტოტებივით ირხევა უკან მირაჟულ მოცეკვავეთა
შავოსანი ქორო.

(აქ ამირან შალიკაშვილმა უკეთ იცის სასაფლაოზე ტერენ-
ტი გრანელის სულის მოძრაობა, მკვდრებთან მისი სიახლოვე
როგორ უნდა გამოხატოს)

ბნელდება. ჭექა-ქუხილი. ისევ ოდნავ ინათებს.

ტერენტი ერთ-ერთ შემაღლებული საფლავის ახლოს
თითქოსდა ლექს კითხულობს.

ხან გაფრენას ლამობს, ხან მოწყვეტით ჩამოუცვივდება
ხელები.

და ხდება საოცრება:

საფლავებიდან ნელ-ნელა ამოჳყვეს მკვდრებმა ხელები.

თითქოს ენდელები ამოვიდნენ მიწიდან.

რა არის ეს? მკვდრები მადლობას ეუბნებიან ლექსებისათ-
ვის?

თუ შველას ითხოვენ დამარცხებული, დაჩოქებული საქა-
რთველოს მიცვალებულნი?

ისევ ქარი.

ისევ გრიგალისებური მუსიკა.

და ტერენტი, შეშლილი ტერენტი, ირხევა, იკეცება, ლამის წელში გადატყდეს ქარიშხალში მოყოლილი კიპარისივით.

მეოთხე სურათი

ტერენტი ისევ შეშლილია. ახლა მხოლოდ 35 წლის არის, მაგრამ თითქმის მობერებულა.

თავდახრილი, მწუხარე, შავოსანი ქართველები თითქმის ყურადღებას აღარ აქცევენ, თავიანთ საქმეებზე მიიჩეარიან. რა მოხდა?

რატომ გაუგულგრილდა ქვეყანა ასე პოეტს?

წითელი რუსეთისგან დამონებულ საქართველოს აღარ „ცხელა“ პოეზიისთვის.

ტერენტი-შეშლილი, ტანსაცმელ-ფეხსაცმელ შემოხეული პოეტი ხარხარით სცენის ხან ერთ კუთხეში გამოჩნდება, ხან მეორეში.

ადამიანები გაურბიან.

ჯიბიდან მიხაკს ამოიღებს.

უნდა აჩუქოს ხან ერთს, ხან მეორე გამვლელს.

არავინ ართმევს პოეტს გამოწვდილ მიხაკს.

ისევ გიუის სიცილი, ისევ სასოწარკვეთა.

„ო, დედამიწავ, უფრო მაშინებ,

როცა ფიქრებით ზეცას მოვიარ,

წმინდაო ღმერთო! რად გამაჩინე,

მე ხომ სიცოცხლე არ მითხოვია“.

... და უეცრად გაქვავდება.

თითქოს რაღაც მოიფიქრაო, რათა ამ შემკრთალი ბრძოს ყურადღება მიიპყროს.

სამრეკლოზე ადის და რეკავს ზარებს.

რეკავს, რეკავს, რეკავს... ქანცგანწყვეტამდე.

რეკავაზე თითქოს ნახირი შედგაო, ნელა გროვდებიან სამ-რეკლოსთან პოეტის ირგვლივ.

ნელა ირხევიან, მოძრაობენ ადამიანები.

თითქოსდა ისევ მოვიდა პოეზია მათთან, ისევ გაიგეს გრძნეული სიტყვის და გრძნეული კაცის ფასი.

ამ დროს ისევ მრისხანე ნაბიჯების ხმა.

შემოდიან კონუსისქუდიანი, წითელვარსკვლავიანი მილი-ციონერები.

ტერენტის შუაში ჩაიყენებენ და მიჰყავთ. ბნელდება.

ფინალი:

ტერენტი გრანელი საწოლზე კი არა, თითქოს საფლავის ბორცვზე წევს.

ირწევა, ირხევა, წამოიმართება, ხელებს მაღლა აღაპყ-რობს.

ყველაფერში ეტყობა, რომ ამ ქვეყნისა აღარ არის. ფერიებივით შემოდიან წითელჯვაროსანი და ჯვარქუდოსანი მოწყალების დები.

გამოსათხოვარი ცეკვა პოეტისა თავის მფარველებთან და თაყვანისმცემლებთან ერთად.

ტემპი მატულობს ცეკვისა.

თანდათან ცხრება მუსიკა.

ტერენტი ნელ-ნელა იკეცება და ეცემა.

მოწყალების დები თითქოსდა სურათის გადასაღებად დახრილანო პოეტთან. ერთი უკან უზის. ტერენტის თავი მის მხარს მიყრდნობია და მოწყალების და მარჯვნივ მის შუბლს ეხება, თითქოს სიცხეს უზომავს.

სხვა „მედდებიც“ იქვე არიან.

ზოგს ხელი უჭირავს ტერენტისა, ზოგი მაჯაზე უსვამს ხელს. „სულთათანას“ ამ არაამქვეყნიურ რხევებს მაჟორული მუსიკა ენაცვლება.

ყველამ თავი უკანა კედლისკენ მიაბრუნა.

სულთმობრძავ პოეტს, თითქოსდა, ციდან ჩამოფრენილი,
კედელზე ანგელოზებად გამოსახული მარო მაყაშვილი თა-
ვისთან უხმობს.

...სცენის სიღრმეში ჯვარზე გაკრული ქრისტე მოჩანს.

ტერენტი საფლავის ბორცვიდან წამოიმართა და მისკენ
გარბის.

ძლივს მიაღწია. განგაშის მუსიკა... ცდილობს ჯვარცმი-
დან ჩამოხსნას ქრისტე. ამოაძრო ერთი ლურსმანი, მეორე...
ქრისტეს ნაწამები სხეული ანგელოზებმა ძირს დაუშვეს.
ტერენტი ჯვარს გაეკრა.

ფარდა

მარტი, 2005 წ.

ნიმუში გიორგი